

唐
音
統
籤

丙籤六十杜甫之三十三

唐晉統籤卷四

七言律詩五

返照

楚王宮北正黃昏
白帝城西過雨痕
返照入江翻石壁
歸雲擁樹失山村
衰年肺病唯高枕
絕塞愁時早閉門
不可久留對虎亂
南方實有未招魂

灩澦

灩澦旣沒孤根深
西來水多愁太陰
江天漠漠鳥雙去
風雨時時龍一吟
舟人漁子歌回首
估客胡商淚滿襟
寄語舟航惡年少
休翻鹽井橫黃金

一橫

柳作

季夏送鄉弟韶陪黃門從叔朝謁

令弟尚爲蒼水使

韶北兼開江使通城都外江下峽舟船

名家莫出

杜陵人比來相國兼安蜀歸赴朝廷已入秦捨舟

策馬論兵地拖王腰金報主身莫度清秋吟懸碑

早聞黃閣畫麒麟

見螢火

巫山秋夜螢火飛簾疎巧入坐人衣忽驚屋裏琴

書冷復亂簾前星宿稀却曉井欄添箇箇偶經花

藥弄輝輝滄江白髮愁看汝來歲如今歸未歸

九日二首

重陽獨酌杯中酒抱病起登江上臺竹葉老人既
無分菊花從此不須開殊方日落玄猿哭舊國霜
前白雁來弟妹蕭條各何在干戈衰謝兩相催

一作堂在
一作佳

其二

風急天高猿嘯哀渚清沙白鳥飛迴無邊落木蕭
蕭下不盡長江滾滾來萬里悲秋常作客百年多
病獨登臺艱難苦恨繁霜鬢潦倒新停濁酒杯

一作秋

暮歸

霜黃碧梧白鶴樓城上
擎旂復鳥啼客子入門月
皎皎誰家搗練風淒淒
南渡桂水關舟楫北歸秦
川多鼓鞀年過半百不稱意
明日看雲還杖藜

送李八秘書赴杜相公幕

青簾白舫益州來
巫峽秋濤天地迴
石出倒聽楓葉下
櫓搖背指菊花開
貪趨相府今羣賢恐失佳
期後命催南極一星朝
北斗五雲多處是三台
簡吳郎司法

有客乘舸自忠洲
遶時安置潞西頭
古堂本買藉

疎豁惜汝遷居停宴遊雲石熒熒高葉曉風江
珮亂帆秋却爲姻婭過遂地許坐層軒數散愁
一作曙

又呈吳節

堂前撲棗任西鄰無食無兒一婦人不爲困窮寧
有此祇緣恐懼轉須親即防違客雖多事使疎疎
籬却甚真已訴徵求貧到骨正思戎馬淚盈巾
一作知使
一作便

畢山人隱居

南極老人自有星北山移文誰勒銘徵君已去獨

松菊衰堂無光留戶庭予見亂離不得已手知出
處必須經高車駟馬帶傾覆悵望秋天虛翠屏

柏學士茅屋

碧山學士焚銀魚白馬却走身若居古人已用三
冬足年少今開萬卷餘晴雲滿戶團傾蓋秋水浮
階溜決渠富貴必從勤苦得男兒須讀五車書一作今

即事 一作天畔

天畔羣山孤草亭江中風浪雨冥冥一雙白魚不
受釣三寸黃甘猶自青多病馬卿無日起窮途阮

藉幾時醒未聞細柳散金甲腸斷秦州泥濁涇

冬至

年年至日長爲客忽忽窮愁泥殺人江上形容吾
獨老天涯風俗自相親秋藜雪後臨丹壑鳴玉朝
來散紫宸心折此時無一寸路迷何處是三秦一

見作

舍弟觀赴藍田取妻子到江陵喜寄三首

汝迎妻子達荊州消息真傳解我憂鴻雁影來連
峽內鵲鴝飛急到沙頭曉關險路今虛遠禹鑿寒
江正穩流未報即當隨綵鷁青春不假報黃牛

曉

燒作

其二

馬度秦山雪正深
北來肌骨苦寒侵
他鄉就我生
春色故園移
居見客心歡劇
提攜如意舞
喜多行
坐白頭吟
巡簪索共梅花
笑冷藥
疎枝半不禁
一度

作瘦歡劇一作
腰欲共一作近

其三

瘦信羅含俱有宅
春來秋去作誰家
短牆若在從
殘草喬木如存可
解花卜築應同蔣
詡徑為園
須似邵平瓜
比年病酒開
涓滴弟勸无
酬何忘嗟
一年

固作

人曰

此日此時人共得一談一笑俗相看樽前柏葉休
隨酒勝裏金花巧耐寒佩紉衝墨聊暫拔便琴流
水自須彈早春重引江潮興直道無憂行路難

宇文晁尚書之甥崔彥司業之孫尚書之子
重泛鄭監前湖

郊扉俗遠長幽寂野水春來更接連錦席淹留還
出浦葛衣歌側未迴船樽當霞綺輕初散棹拂荷
珠碎却圓不但習池歸酩酊君看鄭谷去黃鸝

多病執熱奉懷李尚書

衰年正苦病侵陵
首夏何須氣鬱蒸
大水滌茫炎海
樓竒峰兀火雲升
思霑道暘黃梅雨
敢望宮恩玉井冰
不是尚書期不顧
山陰野雪興難乘

江陵節度使陽城郡王新樓成王請嚴侍御
判官賦七字句同作

樓上炎天冰雪生
高飛燕雀賀新成
碧窻宿霧濛濛
濕朱拱浮雲細細
輕伏鉞褰帷瞻具
美投壺散秩有餘
清自公多暇延參
佐江漢風流萬古
情

又作此奉衛王

西北樓成雄楚都，遠開山岳散江湖。
二儀清濁還高下，三伏炎蒸更有無。
推轂數年惟鎮靜，曳裾終日盛文儒。
白頭授簡焉能賦，愧似相如爲大夫。

公安送韋二少府匡贊

逍遙公後世，多賢送爾維舟惜。
此道念我能書數字，至將詩不必萬人傳。
時危兵甲黃塵裏，日短江湖白髮前。
古往今來皆涕淚，斷腸分手各風煙。

一作別龍書
一作長龍

留別公安太易沙門

隱居欲就廬山遠，麗藻初逢休上人。
數問舟航留

製作長閑箇筭擬心神沙村白雲仍舍凍江縣紅
梅已放春先踏鑑峰置蘭若徐飛錫杖出風塵

曉發公安數月愁息此縣

北城擊柝復欲罷東方明星亦不遲鄰雞野哭如
昨日物色生態能幾時舟楫眇然自此去江湖遠
通無前期出門轉眄已陳迹藥餌扶吾隨所之

小寒食舟中作

佳晨強飲食猶寒隱几蕭條戴鵝冠春水船如天
上坐老年花似霧中看娟娟戲蝶過開幔片片輕
鷗下急滿雲白山青萬餘里愁看直北是長安

世開

本作
開

酬郭十五判官受

才微歲晚尚虛名
卧病江湖春復生
藥裏關心詩總廢
花枝照眼句還成
只同燕石能星隕
自得隨珠覺夜明
喬口橘洲風浪促
繫帆何惜片時程

燕子來舟中作

湖南爲客動經春
燕子銜泥兩度新
舊入故園嘗識主
如今社日遠看人
可憐處處巢君室
何異飄飄託此身
暫語船檣還起去
穿花落水益霑巾

一若

一作居去今作處落
一作枯又作度

贈韋七贊善

卿里衣冠不乏賢
杜陵韋曲未央前
爾家最近冠

三象

斗魁下兩兩相比爲三台

時論同歸尺五天

俚語曰城南韋杜去天尺

五北走關山
開兩雪南遊花柳塞
風煙洞庭春色

悲公子
蝦菜忘歸范蠡船

風一作雲

長沙送李十一銜

與子避地西康州
洞庭相逢十二秋
遠愧尚方曾

賜履竟非吾土
倦登樓久存膠漆
應難竝一辱泥

塗遂晚收李杜齊名真忝竊
朔雲寒菊倍離憂

五言排律一

與李十二白同尋范十隱居

李侯有佳句。往往似陰鏗。余亦東蒙客。憐君如弟
兄。醉眠秋共被。攜手入同行。更想幽奇處。還尋北
郭生。入門高興發。倚立小童清。落景開寒杵。屯雲
對古城。向來吟橘頌。誰欲討菁莪。不願論簪笏。悠
悠滄海情。

奇一作期

臨邑舍弟書至苦雨黃河泛溢隄防之患簿
領所憂因寄此詩用寬其意

二儀積風雨。百谷漏波濤。開道洪河圻。遙連滄海
高。職司憂悄悄。郡國訴嗷嗷。舍弟平棲邑。防川領

簿曹尺書前日至版築不時操難假詭麗力空瞻
烏鵲毛燕南吹秋秋濟上沒蓬蒿螺蚌滿近郭蛟
螭乘九車徐關深水府礪石小秋毫白屋留孤樹
青天失萬艘吾輩同泛梗利涉想蟠桃倚賴天涯
釣猶能掣巨鼈

假一作
把

行次昭陵

舊俗疲庸主羣雄問獨夫誠歸龍鳳質威定虎狼
都天屬尊堯典神功協禹謨風雲隨絕足日月繼
高衢文物多師古朝廷半老儒直詞寧戮辱賢路
不崎嶇往者災猶降蒼生喘未蘇指揮安率土蓋

滌撫洪爐壯士悲陵邑幽人拜鼎湖玉衣晨自舉
鐵馬汗常趨松柏瞻虛殿塵沙立暝途寂寥開國
日流恨滿山隅

虛一作靈

贈特進汝陽王二十二韻

特進羣公表天人夙德升霜蹄千里駿風翮九霄
鵬服禮求毫髮推忠忘寢興聖情常有眷朝退若
無慙僊醴來浮蟻奇毛或賜鷹清關塵不雜中使
日相乘晚節嬉遊簡平居孝義稱自多親棣萼誰
敢問山陵學業醇儒富辭華哲匠能筆飛鸞聳立
章龍鳳騫騰精理通談笑忘形向友朋寸長堪縫

繼一諾豈驕矜已忝歸曹植何如對李膺招要恩
屢至崇重力難勝披霧初歡夕高秋爽氣澄樽罍
臨極浦鳬雁宿張燈花月窮遊宴炎天避鬱蒸硯
寒金井水簷動玉壺冰瓢飲唯三迳巖栖在百層
謬持蠡測海况挹酒如澠鴻寶寧全秘丹梯庶可
陵淮王門有客終不愧孫登來浮一作不來寸長世本
作寸腸何如一作何知在百層一作
與一脰把一作把門有一作門下
贈比部蕭郎中十元甫從姑也子
有美生人傑由來積德門漢朝丞相系梁日帝王
孫蘊籍焉而父魁梧秉哲尊詞華頗後輩風雅藹

孤齋宅相榮姻戚兒童惠討論見知真自幼謀拙
愧諸昆深蕩雲天闊沈埋日月奔致君時已晚懷
右意空存中散山陽鍛憑公野谷村寧紆長者轍
歸老任乾坤

奉寄河南韋尹丈人

甫故廬在偃師縣韋公
頻有訪問故有下句

有客傳河尹達人問孔融青囊仍隱逸章甫尚西
東鼎食爲門戶詞場繼國風尊榮瞻地絕疎放憶
途窮濁酒尋陶令丹砂訪葛洪江湖漂祖褐霜雪
滿飛蓬牢落乾坤大周流道術空謬慙知荀子真
怯笑揚雄盤錯神明懼謳歌德義豐尸鄉餘土室

難說祝難翁

難短禍一作短禍
說一作誰話

贈韋左丞丈濟

濟之元澄亦為給事中

左轄頻虛位今年得舊儒
相門常氏在經術漢臣
須時議歸前列天倫恨莫俱
領原荒宿草鳳沼接
亨衢有客雖安命衰容豈壯夫
家人憂几杖甲子
混混途不謂矜餘力還求謁大巫
歲寒仍顧遇日
暮且踟躕老驥思千里
飢鷹待一呼君能微感激

亦足慰榛蕪

前列一作前烈亦足
榛蕪一作折骨效屈屈

冬日洛城北謁玄元皇帝廟

廟有吳道子
畫五聖圖

配極玄都闕憑高禁藥長
守祧嚴具禮掌節鎮非

常碧瓦初寒外金莖一氣秀山河扶繡戶日月近
雕梁僊李盤根大猗蘭奕葉光世家遺舊史道德
付今皇畫手看前輩吳生遠擅場森羅移地軸妙
絕動宮牆五聖聯龍袞千官列雁行冕旒俱秀發
旌旆盡飛揚翠柏深留景紅梨迎得霜風箏吹玉
柱露井凍銀牀身退卑周室經傳拱漢王谷神如
不死養拙更何鄉

贈翰林張四學士垵

翰林通華蓋鯨力破滄溟天上張公子宮中漢客
星賦詩拾翠殿佐酒望雲亭紫誥仍兼綰黃麻似

六經內分金帶亦恩與荔枝青無復隨高鳳空餘
泣聚螢此生任春草垂老獨漂萍儻憶山陽會悲
歌在一聽

重經昭陵

草昧英雄起謳歌曆數歸風塵三尺劔社稷一戎
衣翼亮貞文德丕承載武威聖圖天廣大宗祀日
光輝陵寢盤空曲熊罷守翠微再窺松柏路還見
五雲飛

丙籤六十杜甫之三十四

唐音統籤卷二五百

五言排律一之下

敬贈鄭諫議十韻

諫官非不達詩義早知名破的由來事先鋒孰敢
爭思飄雲物外律中鬼神驚毫髮無遺恨波瀾獨
老成野人寧得所天意薄浮生多病休儒服冥搜
信客旌築居僊縹緲旅食歲崢嶸使者求顏闔諸
公厭襦衡將期一諾重敝使寸心傾君見途窮哭
宜憂阮步兵物外一作物動

奉贈太常張卿均二十韻

均一作均

方丈三韓外崑崙萬國西建標天地闊詣絕古今
迷氣得神僊迎恩承雨露低相門清議衆儒術大
名齊軒冕羅天闕琳琅識介珪伶官詩必誦夔樂
典猶稽健筆凌鸚鵡鋒瑩鵬鵠友于皆挺拔公
望各端倪通籍踰青瑣亨衢照紫泥靈虬傳夕箭
歸馬散霜蹄能事聞重譯嘉謨及遠黎弼諧方一
展班序更何躋適越空顛躑游梁竟慘悽謬知終
畫虎微分是醯雞萍泛無休日桃陰想舊蹊吹噓
人所羨騰躍事仍睽碧海真難涉青雲不可梯顧
深慙鍛鍊才小辱提攜檻束哀猿呌枝驚夜鵲樓

幾時陪羽獵應指釣璜溪一作巧

奉贈鮮于京兆二十韻

王國稱多士賢良復幾人異才應間出爽氣必殊
倫始見張京兆宜居漢近臣驂駟開道路鵬鶚離
風塵侯伯知何算文章賈致身奮飛超等級容易
失沈淪脫略蟠溪釣操持郢匠斤雲霄今已逼台
表更誰親鳳穴雖皆好龍門客又新義聲紛感激
敗績自逡巡途遠欲何向天高難重陳學詩猶孺
子鄉賦念嘉賓不得同晁錯吁嗟後却詵計踈疑
翰墨時過憶松筠獻納紆皇眷中間謁紫宸且隨

諸彥集方覲薄才伸破膽遭前政陰謀獨秉鈞微
生需忌刻萬事益酸辛交合丹青地恩傾雨露辰
有孺愁餓死早晚報平津

投贈哥舒開府翰二十韻

今代麒麟閣何人第一功君王自神武駕馭必英
雄開府當朝傑論兵邁古風先鋒百戰在略地兩
隅空青海無傳箭天山早挂弓廉頗仍走敵魏絳
已和戎每惜河湟棄新兼節制通智謀垂睿想出
入冠諸公日月低秦樹乾坤繞漢宮人愁逐北
宛馬又從東受命軍麾遠歸來御席同軒墀曾寵

鶴畋獵舊非熊茅土加名數山河誓始終策行道
戰伐契合動昭融勲業青冥上交親氣槩中未為
珠履客已見白頭翁壯節初題柱生涯獨轉蓬幾
年春草歇今日暮途窮軍事留孫楚行間識呂蒙
防身一長劍將欲倚崕峒

軍百戰今本作百勝
一作邊沙

奉留贈集賢院崔于二學士

昭代將垂白途窮乃叫關氣衝星象表詞感帝王
尊天老書題目春官驗討論倚風遣鵷路隨水到
龍門竟與蛟螭雜寧無燕雀喧青冥猶契閣陵厲
不飛翻儒術誠難起家聲庶已存故山多藥物勝

梁憶桃源欲整還鄉旆長懷禁掖垣謬稱三賦在

難述二公恩

一作白詩一作老詞一作雲

五言排律二

上韋左相二十韻

鳳曆軒轅紀龍飛四十春八荒開壽域一氣轉洪
鈞霖雨思賢佐丹青憶老臣應圖求駿馬驚代得
麒麟沙汰江河濁調和鼎鼐新韋賢初相漢范叔
已歸秦盛業今如此傳經固絕倫豫章深出地滄
海闊無津北斗司喉舌東方領搢紳持衡留藻鑒
聽履上星辰獨步才超古餘波德照鄰聰明過管

輅尺牘倒陳遵豈是池中物由來席上珍廟堂知
至理風俗盡還淳才傑俱登用愚蒙但隱淪長卿
多病久予憂索居貧回首驅流俗生涯似衆人巫
咸不可問鄒魯莫容身感漱時將晚蒼茫興有神
爲公歌此曲涕淚在衣巾

豫章一作豫樟
居貧一作居頻

承沈八丈東美除膳部員外郎阻雨未遂馳

賀奉寄此詩

府掾四人
同日拜郎

今日西京掾多除南省郎通家惟沈氏謁帝似馮
唐詩律羣公問儒門舊史長清秋便寓直列宿賴
輝光未暇申安慰舍情空激揚司存何所比膳部

唐詩集
默悽傷貧賤人事略經過霖潦妨禮同諸父長恩
豈布衣忘天路牽麒麟雲臺引棟梁徒懷貢公喜
肥肥鬢毛蒼

送蔡希魯都尉還隴右因寄高三十五書記
時哥舒翰入秦
勒蔡子先歸

蔡子勇成癖彎弓西射健兒寧闕死壯士耻爲
儒官是先鋒得材緣挑戰須身輕一鳥過槍急萬
人呼雲幕隨開府春城赴上都馬頭金匝駝背
錦模糊咫尺雪山路歸飛青海隅上公猶寵賜突
將且前驅漢使黃河遠涼州白麥枯因君問消息

好在阮元瑜青一作水

遣興

驥子好男兒前年學語時
問知人客姓誦得老夫詩
世亂憐渠小家貧仰母慈
鹿門攜有處鳥道去無期
天地軍麾滿山河戰角悲
儻歸免相失見日敢辭遲

鹿門攜有處鳥道去無期一作鹿門攜不遂雁足繫難期日一作爾

鄭駙馬池臺喜遇卿廣文同飲

不謂生戎馬何知共酒杯
然臍郿塢敗禿節漢臣
回白髮千莖雪丹心一寸灰
別離經死地披寫忽登臺
重對秦簫發俱過阮宅來
醉留春夜舞淚落

強徘徊

醉留一作留連
禿節一作握節

得家書

去憑休汝騎來爲附家書今日知消息他鄉且舊
居熊兒幸無恙驥子最憐渠臨老羈孤極傷時會
合疎二毛趨帳殿一命侍鸞輿北闕妖氛滿西郊
白露初涼風新過雁秋雨欲生魚農事空山裏春
言終荷鋤休汝騎一作遊客寄
奉送郭中丞兼太僕卿充隴右節度使三十

韻

詔發西山將秋屯隴右兵淒涼餘部曲輝赫舊家

聲鵬鶚乘時去驛驄顧主鳴艱難須上策容易即
前程斜日當軒蓋高風卷旆旌松悲天水冷沙亂
雪山清和猶懷患防邊詎敢驚古來異域鎮
靜示專征燕薊奔封豕周秦觸駭鯨中原何慘黯
餘孽尚縱橫箭入昭陽殿笳吟細柳營內人紅袖
泣王子白衣行宸極妖星動園陵殺氣平空餘金
盃出無復總帷輕敦廟天飛雨焚宮火徹明果愚
朝共落榆檣夜同傾三月師逾整羣勢就烹瘡
痍親接戰勇決冠垂成妙譽期元宰殊恩且列卿
幾時回節鉞勦力掃欃槍圭竇三千士雲梯七十

城耻非齊說客耳似魯諸生通籍微班忝周行獨
 坐榮隨肩趨漏刻短髮媿簪纓徑欲依劉表能無
 厭襦衡浙衰那此別忍淚獨舍情廢邑狐狸語空
 村虎豹爭人頻墜塗炭公豈忘精誠元帥調新律
 前軍壓舊京安邊仍扈從莫作後功名秋秋營輝一作
一作烜赫高風一作歸風詎敢一作不敢團陵一
一作林媿簪纓一作寄簪纓能無一作還疑莫作
一作云無使

送楊六判官使西番

送遠秋風落西征海氣寒帝京氣稷滿人世別離
 難絕域遙懷怒和親願結歡勅書憐贊普兵甲望

長安宣命前程急惟良待士寬予雲清自守今日
起爲官垂淚方投筆傷時卽據鞍儒衣山鳥怪漢
節野重看邊酒排金盃夷歌捧玉盤草肥蕃馬健
雪重拂廬乾快爾參籌畫從茲正羽翰歸來權可
取九萬一朝搏金盃一作金盃一作金盃

喜聞官軍已臨賊境二十韻

射潛京縣官軍擁賊壕鰲魚猶假息穴蟻欲何
逃帳殿羅玄冕轅門照白袍泰山當警蹕漢苑入
旌旄路失羊腸險雲橫雉尾高五原空壁壘八水散
風濤今日看天意遊寬貸爾曹乞降那更得尚詐

莫徒勞元帥歸龍種司空握豹韜前軍蘓武節左
將呂虔刀兵氣回飛鳥威聲沒巨鼇戈鋌開雲色
弓矢向秋毫天步艱方盡時和運更遭誰云遺毒
螫已是沃腥臊瘡想丹墀近神行羽衛牢花門騰
絕漠拓羯渡臨洮此輩感恩至羸俘何足操鋒先
夜染血騎突劍吹毛喜覺都城動悲連子女號家
家賣釵釧只待獻春醪騎一作路濕只待一作準擬春醪
一作香醪

送許八拾遺歸江寧親省甫昔時嘗客遊此
縣於許生處乞瓦棺寺維摩圖樣志諸篇末

詔許辭中禁慈顏赴北堂聖朝新孝理祖席倍輝
光內帛擎偏重宮衣著更香淮陰清夜驛京口渡
江航竹隱趨庭曙山添扇枕涼賜書誇父老壽酒
樂城隍看畫曾飢渴追蹤限燕茫虎頭金粟影神
妙獨難忘詔許一作天語慈顏赴一作作家榮到內
曙山添扇枕涼一作贈帛清夜一作新夜作隱趨庭
賜書誇一作十年過壽酒樂一作幾日賽限一
作恨

秦州見勅目薛三璩授司郎蘇畢四曜除監察
與二子有故遠喜遷官兼述索居三十韻
勅目一作除目

大雅何寥闊斯人尚典刑交期余潦倒材力爾精
靈二子升同日諸生用一經文章開突奧遷擢潤
朝廷舊好何由展新詩更憶聽別來頭併白相見
眼終青伊昔貧甚同憂歲不寧棲遑分半菽浩
蕩逐流萍俗態猶猜忌妖氣遂杳冥獨慙投漢閣
俱議哭秦庭還蜀祗無補囚梁亦固扃華夷相混
合宇宙一羶腥帝力收三統天威總四溟舊都俄
望幸清廟肅惟馨雜種雖高壘長驅甚建瓴焚香
淑景殿漲水望雲亭法駕初還日羣公若會星宮
臣仍點染桂史正零丁官忝趨樓鳳朝回欲聚螢

喚人看驀裏不嫁惜娉婷掘劍知埋玉提刀見發
硯侏儒應共飽漁父忌偏醒旅泊窮清渭長吟望
濁涇羽書還似急烽火未全停師老資殘寇戎生
及近洞忠臣辭憤激烈士涕飄零上將盈邊鄙元
勲溢鼎銘仰思調玉燭誰定握青萍隴俗輕鸚鵡
原情類鵲鷁秋風動關塞高臥想儀形升一作聲
作心不寧猜忌一云猜忍遂者冥一作忽者冥雖
高壘一作難高壁欲聚螢一作歎聚螢師老一作
帥老握青萍一作萍青萍

寄彭州高三十五使君適虢州岑二十七長
史參三十
時患瘡病

故人何寂寞今我獨淒涼老去才難盡秋來興甚
長物情尤可見詞客未能忘海內知名士雲端各
異方高岑殊緩步沈鮑得同行意愜闕飛動篇終
接混茫舉天悲富駱近代惜盧王似爾官仍貴前
賢事可傷諸侯非棄擲半刺已翱翔詩好幾時見
書成無使將男兒行處是客子鬪身強羈旅推賢
聖沈繇抵咎殃三年猶瘡疾一鬼不銷亡隔日搜
脂髓增寒抱雪霜徒然潛隙地有硯屢鮮粧何太
龍鍾極于今出處妨無錢居帝里盡室在邊疆劉
表雖遺恨龐公至死藏心微傍魚鳥肉瘦怯豺狼

隴草蕭蕭白。洮雲片片黃。彭門劍閣外。號略峽門湖。
倚荆玉簪頭。冷已成涼翰。光烏麻。燕續魄。丹橘露。
應嘗。豈異神僊宅。俱兼山水鄉。竹齋恍藥竈。花嶼
讀書牀。更得清新否。遙知對屬忙。舊官寧改漢。淳
俗本歸唐。濟世宜公等。安貧亦士常。蚩尤終戮辱。
羯漫猖狂。會待妖氣靜。論文暫棄糧。故人事一作
傷一作命可傷本歸唐一作不離唐

寄李十二白二十韻

昔年有狂客。號爾謫僊人。筆落驚風雨。詩成泣鬼神。
聲名從此大。汨沒一朝伸。文彩承殊渥。流傳必

絕倫龍舟移棹晚獸錦奪袍新白日來深殿青雲
滿後塵乞歸優詔許遇我宿心親未負幽棲志兼
全寵辱身劇談憐野逸嗜酒見天真醉舞梁園夜
行歌泗水春才高心不展道屈善無鄰處士稱衡
俊諸生原憲貧稻粱求未足蕙苴謗何頻五嶺尖
蒸地三危放逐臣幾年遭鵬鳥獨立向麒麟蘇武
先還漢黃公豈事秦楚筵辭醴日梁獄上書辰已
用當所法誰將此義陳老吟秋月下病起暮江濱莫
怪恩波隔東槎與問津宿心一作夙心
未負一作未遂

丙籤六十杜甫之三十五

唐音統籤卷二百六

五言排律三

寄岳州賈司馬六丈巴州嚴八使君兩閣老
五十韻

衡岳啼猿裡巴州鳥道遙故人俱不利謫宦兩悠悠
然開闢乾坤正榮枯雨露偏長沙才子遠釣瀨客
星懸憶昨趨行殿殷憂捧御筵討胡愁李廣奉使
侍張騫無復雲臺仗虛修水戰舡蒼茫城七十流
落劒三千盡角吹秦晉旄頭俯澗瀍小儒輕董卓
有識笑苻堅浪作禽填海那堪血射天萬方思助

順一鼓氣無前陰散陳倉北晴熏太白巔亂麻屍
積衛破竹勢臨燕法駕還雙闕王師下八川此時
霑奉引佳氣拂周旋貔虎閒金甲麒麟受玉鞭侍
臣諳入仗底馬解登仙花動朱樓雪城凝碧樹烟
衣冠心慘愴故老淚潺湲哭廟悲風急朝正霽景
鮮月分梁漢米春給水衡錢內榮繁於纈宮莎軟
勝綿恩榮同拜手出入最隨肩晚著華堂醉寒重
繡被眠轡齊無東燭書枉浦懷牋每覺昇元輔深
期列大賢秉鈞方咫尺鍛翮再聯翩禁掖朋徒改
微班性命全青蒲甘就戮白髮竟誰憐弟子貧原

憲諸生老伏虔師資譙耒達鄉黨敬何先
舊好腸堪斷新愁眼欲穿翠乾危棧竹紅膩小湖蓮
賈筆論孤憤嚴詩賦幾篇定知深意苦莫使衆人傳
貝錦無停織朱絲有斷絃浦鷗防碎首霜鶻不空拳
地僻昏炎瘴山稠隘石泉且將暮度日應用酒為
年典郡終微眇治中實棄捐安排求傲吏比興展
歸田去去才難得蒼蒼理又玄古人稱逝矣吾道
卜終焉隴外翻投迹漁陽復控弦笑為妻子累甘
與歲時遷親故行稀少兵戈動接聯他鄉旣夢寐
失侶自述遭多病加淹泊長吟阻靜便如公盡雄

俊志在必騰騫

那堪一作那將血射一作矢射

莎今本作宮花

非甘就一作開金匣一作閭金印宮

寄張十二山人彪三十韻

獨卧嵩陽客三遠潁水春艱難隨老母慘澹向時
人謝氏尋山屐陶公漉酒巾羣兒彌宇宙此物在
風塵歷下辭姜被閑西得孟鄰早通交契密晚接
道流新靜者心多妙先生藝絕倫草書何太古詩
興不無神曹植休前輩張芝更後身穀篇吟可老
一字賈堪貧將恐曾防寇深潛託所親寧聞倚門
夕盡力潔飡晨踈懶為名誤驅馳喪我真索居櫛

寂寞相遇益愁辛
流轉依違傲逢迎
念席珍時來
故舊少亂後
別離頻世祖修高廟
文公賞從臣
商山猶入楚
渭水不離秦
存想青龍秘
騎行白鹿馴
畊巖非谷口
結草卽河濱
肘後符應驗
囊中藥未陳
旅懷殊不愜
良覲眇無因
自古皆悲恨
浮生有屈伸
此邦今尚武
何處且依仁
鼓角凌天籟
關山倚月輪
官場羅鎮磧
賊火近洮岷
蕭瑟論兵地
蒼茫闕將辰
大軍多處所
餘孽尚紛綸
高興知籠鳥
斯文起獲麟
窮秋正搖落
回首望松筠
一作嵩陽近本
非

月二十日
散廬遣興奉寄嚴公

野水平橋路春沙映竹村風輕粉蝶喜花暖蜜蜂
喧把酒宜深酌題詩好細論府中瞻暇日江上憶
詞源跡忝朝廷舊情依節制尊還思長者轍恐避
席為門跡忝一作跡寄

奉和嚴中丞西城晚眺十韻

汲黯匡君切庶頗出將頻直辭才不世雄略動如
神政簡移風速詩清立意新層城臨媚景絕域望
餘春旗尾蛟龍會樓頭燕雀馴地平江動蜀天闊
樹浮秦帝念深分閫軍須遠算緡花羅封蛺蝶瑞

錦送麒麟辭第翰高義觀圖憶古人征南多興緒
事業閣相親

奉送嚴公入朝十韻

禹湖瞻望遠象闕憲章新四海猶多難中原憶舊
臣與時安反側自昔有經綸感激張天步從容靜
塞塵南圖回羽翮北極捧星辰漏鼓還思晝宮鶯
罷轉春空留玉帳術愁殺錦城人閣道通丹地江
津隱白蘋此生那老蜀不死會歸秦公若登台輔
臨危莫愛身

送嚴侍郎到綿州同登杜使君江樓宴得心

字

野興每難盡江樓延賞心歸朝送使節落景惜登
臨稍稍煙集渚微微風動襟重舫依淺瀨輕鳥度
層陰檻峻背幽谷憲虛交茂林燈光散遠近月影
靜高深城擁朝來客天橫醉後參窮途衰謝意苦
調短長吟此會共能幾諸孫賢至今杜使君乃不
勞朱戶閑自待白河沈月影一作月彩

送梓州李使君之任

故陳拾遺射洪人也篇末有云

籍甚黃丞相能名自潁川近看除刺史還喜得吾
賢五馬何時到雙魚會早傳老思筇竹拄冬要錦

衾眠不作臨岐恨唯聽舉最先火雲揮汗日山驛
醒心泉遇害陳公殞于今蜀道憐君行射洪縣為
我一潸然筇竹拄一作筇竹杖

宗武生日

小子何時見高秋此日生自從都邑語已伴老夫
名詩是吾家事人傳世上情熟精文選理休覓綵
衣輕凋瘵筵初秩歆斜坐不成流霞分片片涓滴
就徐傾分一作飛

建都十二韻

蒼生未蘇息馬半乾坤議在雲臺上誰扶黃屋

尊建都分魏闕下詔開荆門恐失東人望其如西
極存時危當雪耻計大豈輕論雖倚三階正終愁
萬國翻牽裾恨不死漏經辱殊恩永負漢庭哭遥
憐湘水鬼窮冬客江劍隨事有田園風斷青蒲節
霜埋翠竹根衣冠空穰穰關輔久昏昏願枉長安
日光輝照北原

江劍一作劍外

陪章留後侍御宴南樓得風字

絕域長夏晚茲樓清宴同朝廷燒棧北鼓角漏天
東屢食將軍第仍騎御史驄本無丹竈術那免白
頭翁冠盜狂歌外形骸痛飲中野雲低渡水簷雨

細隨風出號江城黑題詩蠟炬紅此身醒復醉不
擬哭途窮角滿一作角滿

送陵州路使君之任

王室比多難高官皆武臣幽燕通使者岳牧用詞
人國待賢良急君當拔擢新佩刀成氣象行蓋出
風塵戰伐乾坤破瘡痍府庫貧衆寮宜潔白萬役
但平均霄漢瞻佳士泥塗任此身秋天正搖落回
首大江濱

王閬州筵奉酬十一舅惜別之作

萬壑樹聲滿千崖秋氣高浮舟出郡郭別酒寄江

濤良會不復久此生何太勞窮愁但有骨群盜尚

如毛吾舅惜分手使君寒贈袍沙頭暮黃鶴失侶

亦哀號

黃鶴一作黃鵠
亦哀一作自哀

與嚴二歸奉禮別

別君誰暖眼將老病纏身出涕同斜日臨風看去
塵商歌還入夜已俗自為鄰尚愧微軀在遙聞盛
禮新山東群盜散闕下受降頻諸將歸應盡題書
報旅人

贈裴南部聞袁判官自來欲有按問

塵滿萊蕪翫堂橫單父琴人皆知飲水公輩不偷

金梁獄書應作去聲秦臺鏡欲臨獨醒時所嫉羣小

謗能深卽出黃沙在何須白髮侵使君傳舊德已

見直絕心

應作一本作因上

傷春五首

已閨僻遠傷春罷始知春前已收宮闕

天下兵雖滿春光日自濃西京疲百戰北關任羣

兇關塞三千里烟花一萬重蒙塵清露急御宿且

誰供殷復前王道周遷舊國容蓬萊足雲氣應合

總從龍

其二

鶯入新年語花開滿故枝天青風卷幔草碧水通

月千
池牢落官軍遠蕭條萬事危髮毛元自白淚點向
來垂不是無兄弟其如有別離巴山春色靜北望
轉逶迤

其三

日月還相關星辰屢合圍不成誅執法焉得變危
機大角纏兵氣鉤陳出帝畿烟塵昏御道耆舊把
天衣行在諸軍闕來朝大將稀賢多隱屠釣王肯
載同歸

其四

再有朝廷亂難知消息真近傳王在洛復道使歸

秦奪馬悲公主登車泣貴嬪蕭關迷北上滄海欲
東巡敢料安危體猶多老大臣豈無秘紹血濡灑
屬車塵近傳一作近聞

其五

聞說初東幸孤兒却走多難分太倉粟競棄魯陽
戈登前殿王公出御河得無中夜舞誰憶大
風歌春色生烽燧幽人泣薜蘿君臣重修德猶足
見時和

春歸

苔徑臨江竹苑簷覆地花別來頻甲子歸到忽春

華倚杖看孤石傾壺就淺沙遠鷗浮水靜輕燕受
風斜世路雖多梗吾生亦有涯此身醒復醉乘興
即為家

五言排律四之上

寄司馬山人十二韻

閨內昔分袂天邊今轉蓬驅馳不可說談笑偶然
同道術曾留意先生早擊蒙家家迎薊子處處識
壺公長隔峨眉北潛行玉壘東有時騎猛虎虛室
使仙童髮少何勞白顏衰肯更紅望雲悲輶軻畢
景羨冲融喪亂形仍役淒涼信不通懸旌要路口

倚劍短亭中永作殊方客殘生一老翁相哀骨可
換亦遣馭清風

贈王二十四侍御契四十韻

往往雖相見飄飄媿此身不閑輕綬冕俱是避風
塵一別星橋夜三移斗柄春敗亡非赤壁奔走為
黃巾子去何瀟灑余藏異隱淪書成無過雁衣故
有懸鶉恐懼行衰數伶俜卧疾頻曉鶯工併淚秋
月解傷神會面嗟驚黑含悽話苦辛接輿還入楚
王粲不歸秦錦里殘丹竈花溪得釣綸消中祇自
惜晚起索誰親伏柱聞周史乘槎似漢臣駕鴻不

易狎龍虎未宜馴客卽挂冠至交非傾蓋新由來
意氣合直取性情真浪迹同生死無心耻賤貧偶
然存蔗芋幸各對松筠粗飯依他日窮愁怪此辰
女長裁褐穩男大卷書勻滿口江如練蠶崖雪似
銀名園當翠嶽野棹沒青蘋屢喜王侯宅時邀江
海人追隨不覺晚款曲動彌旬但使芝蘭秀何須
棟宇鄰山陽無俗物鄭驛正留賓出入並鞍馬光
輝忝席珍重遊先主廟更歷少城闔石鏡通幽鬼
琴臺隱絳唇送終惟冀土結愛獨荆榛置酒高林
下觀基積水濱區區甘累趼稍稍息勞筋經聚粘

圓鯽絲繁耋細尊長歌敲柳癭小睡凭藤輪農月
須知課田家敢忘勤浮生難去食良會惜清晨列
國兵戈暗今王德教淳要聞除猥偷休作畫麒麟
洗眼看輕薄虛懷任屈伸莫令膠漆地萬古重雷
陳消中一作宵中時邀一作時逢忝席一作何煩
參席似漢臣一作有漢臣何須一作何煩
寄李十四員外布十二韻新除司議郎兼萬
州別駕雖尚伏枕

已聞
理衰

名叅漢望苑職述景題輿巫峽將之郡荆門好附
書遠行無自苦內熱比何如正是炎天闊那堪野
館踈黃牛平駕浪盡鷁上凌虛試待盤渦歇方期

解纜初悶能過小徑自為摘嘉蔬渚柳元幽僻村
花不掃除宿陰繁素柰過雨亂紅蕖寂寂夏先晚
泠泠風有餘江清心可瑩竹冷髮堪梳直為移巾
几秋帆發敝廬

自為一作日為
堪梳一作宜梳

寄董卿嘉榮十韻

聞道君牙帳防秋近赤霄下臨千嶺雪却背五繩
橋海內久戎服京師今晏朝犬羊曾爛熳宮闕尚
蕭條猛將宜嘗膽龍泉必在腰黃圖遭汚辱月窟
可焚燒會取干戈利無令斥堠驕居然雙捕
自
是一嫖姚若日思輕騎秋天憶射鵬雲臺畫形像

皆為掃氛妖

千嶺雪

一作千雪嶺

又作

高天

一作高天

立秋日雨院中有作

山雲行絕塞大火復西流
飛雨動華屋蕭蕭梁棟
秋窮途愧知己暮齒借前籌
已費清晨謁那成長
者謀解衣開北戶高枕對南樓
樹濕風涼進江喧
水氣浮禮寬心有適節爽病微瘳
主將歸調鼎吾
還訪舊丘

到村

碧澗雖多雨秋沙先少泥
蛟龍引子過荷芰逐花
低老去叅戎幕歸來散馬蹄
稻梁須就列榛草卽

相迷蓄積思江漢頑疎惑町畦暫耐知已分還入
故林棲

遣悶奉呈嚴公二十韻

白水魚竿客清秋鶴髮翁
為來幕下祇合在舟
中黃卷真如律青袍也自公
老妻憂坐痺幼女問
頭風平地專歌倒分曹失異
同禮甘衰力就義忝
上官通疇昔論詩早光輝
仗鉞雄寬容存性拙剪
拂念途窮露衰思藤架烟
霏想桂叢信然龜觸網
直作鳥窺籠西嶺紆村北
南江繞舍東竹皮寒舊
翠椒實雨新紅浪簸舡應
圻杯乾甕即空藩籬生

野徑斤斧任樵童束縛酌知已蹉跎効小忠周防
期稍稍太簡遂忽忽曉入朱扉啟昏歸盡角終不
成尋別業未敢息微躬烏鵲愁銀漢鴛鴦怕錦幃
會希全物色時放倚梧桐時放一作秋放

奉觀嚴鄭公廳事岷山池江畫圖十韻得忘
字

池水臨中座岷山到北堂白波吹粉壁青嶂挿雕
梁直訝杉松冷蕪粳菱荇香雪雲虛點綴沙草得
微茫嶺雁隨毫末川蜺飲練光霏紅洲蘂亂拂黛
石蘿長暗谷非閑雨丹楓不為霜秋城五圓外景

物洞庭傍繪事功殊絕幽襟興激昂從來謝太傅

丘壑道難忘

對北秋一作赴北又作對北秋城一作秋成

陪鄭公秋晚北池臨眺

北池雲水闊華館闌秋風獨鶴元依渚衰荷且映

空采菱寒刺上踏藕野泥中素楫分曹往金盤小

徑通萋萋露草碧片片晚旗紅杯酒霑津更衣裳

与釣翁異方初艷菊故里亦高桐搖落關山思淹

留戰伐功嚴城殊未掩清宴已知終何補叅卿事

歡娛到薄躬

元一作先卿事一作軍乏

哭台州鄭司戶蘇少監

故舊誰憐我平生鄭與蘇存亡不重見喪亂獨前
塗豪俊何人在文章掃地無羈遊萬里關山問一
年俱白日中原上清秋大海隅夜臺當北斗泉路
宵東吳得罪台州去時危棄碩儒馬移蓬閣後穀
貴歿潛夫流慟嗟何及銜冤有是夫道消詩發興
心息酒為徒許与才雖薄追隨跡未拘班揚名甚
盛嵇阮逸相須會取君臣合寧詮品命殊賢良不
必展廊廟偶然趨勝決風塵際功安造化鑪從容
詢舊學慘淡悶陰符擺落嫌疑久哀傷志力輪俗
依綿谷異客對雪山孤童推思諸子交期列友于

情乖清酒送望絕撫墳呼瘡病食巴水瘡痍老蜀
都飄零迷哭處天地日榛蕪何人在一作人誰在
一作移官功安一作功名交
期一作交情瘡病一作虐病

丙籤六十杜甫之三十一

唐音統籤卷二百七

五言排律四之下

奉漢中王手札

國有乾坤大，王今叔父尊。
剖符來蜀道，歸蓋取荆門。
峽險通舟峻，江長注海奔。
主人留上客，避暑得名園。
前後緘書報，分明饌玉恩。
天雲浮絕壁，風竹在華軒。
已覺良宵永，何看駭浪翻。
入期朱邸雪，朝傍紫微垣。
枚乘文章老，河間禮樂存。
悲秋宋玉宅，失路武陵源。
淹泊俱崖口，東西異石根。
夷音迷咫尺，鬼物傍黃昏。
犬馬誠為戀，狐狸不足論。
從容草

奏罷宿昔清樽

舟峻一作舟過良宵一作涼宵

奉賀陽城郡王太夫人恩命加鄧國太夫人

陽城王衛

伯玉也

衛幕銜恩重
潘輿送喜頻
濟時瞻上將
錫號戴慈
親富貴當如此
尊榮邁等倫
郡依封土舊
國與大名新
紫誥鸞回紙
清朝燕賀人
遠傳冬笋味
更覺絲衣春
奕葉班姑史
芬芳孟母鄰
義方兼有訓
詞翰兩如神
委曲承顏體
審飛報主身
可憐忠與孝

雙美畫麒麟

美畫一作美快

寄韋有夏郎中

省郎憂病士書信有柴
飲子頻通汗懷君想報
珠親知天畔少藥甜
峽中無歸楫生衣卧
春鷗洗翅呼猶聞上
急水早作取平塗
萬里皇華使為僚
記腐儒

謁先主廟

慘澹風雲會乘時各有人
力侔分社稷志屈偃經
綸復漢留長策中原伏老臣
雜耕心未已歐血事
酸辛霸氣西南歇雄圖
曆數屯錦江元過楚劍閣
復通秦舊俗存祠廟
空山泣鬼神虛檐交鳥道
枯木半龍鱗竹送清溪月
苔移玉座春閭閻兒女換

歌舞歲時新絕域歸舟遠荒城繫馬頻如何對搖
落況乃久風塵孰與闕張竝功臨耿鄧親應天才
不小得士契無鄰遷暮堪帷帷飄零且釣緼向來
憂國淚寂寞灑衣巾

泣鬼神一作主鬼神應天一作麒麟天

陪諸公上白帝城樓宴越公堂之作

趙公揚素也有

堂在城上

畫像尚存

此堂存古制城上俯江郊落構垂雲雨荒階蔓草
茅柱穿蜂溜蜜棧缺燕添巢坐接春盃氣心傷艷
藥梢英靈如過隙宴衍願投醪莫問東流水生涯
未卽拋

古制一作古製
一作古製
一作古製
一作古製

上白帝城二首

江城含變態一上一回新
天欲今朝雨山歸萬里
春英雄餘事業衰邁久風塵取醉他鄉客相逢故
國人兵戈猶擁蜀賦歛尚輸秦不是煩形勝深慙
畏損神萬里一作萬古
尚輸一作強輸

其二

白帝空祠廟孤雲自往來
江山城宛轉揀字客徘徊
勇略今何在尚年亦壯哉
後人將酒肉虛殿日
塵埃谷鳥鳴還過林
花落又開多慙病無力騎馬
入青苔

奉漢中王手札報韋侍御蕭尊師亡
秋日蕭韋遊淮王報峽中少年疑柱史多怪仙
公不但時人惜祇應吾道窮一哀侵疾病相識自
兒童處處鄰家笛飄飄客子蓬強吟懷舊賦已作
白頭翁

平原劉憬仲開校

五言排律五

秋日夔府詠懷奉寄鄭監審李賓客之芳一
百韻

絕塞烏蠻北孤城白帝遘飄零何百里消渴已三

年雄劍鳴開匣，羣書滿紫船。
亂離心不展，衰謝日蕭然。
筋力妻孥問，菁華歲月遷。
登臨多物色，陶冶賴詩篇。
峽束滄江起，巖排古樹圓。
拂雲靈楚氣，朔海蹴吳天。
煮井爲鹽速，燒畬度地偏。
有時驚疊嶂，何處覓平川。
鷗鷺雙雙舞，獼猴壘壘懸。
碧蘿長似帶，錦石小如錢。
春草何曾歇，寒花亦可憐。
獵人吹戍火，野店引山泉。
喚起搔頭急，扶行幾屐穿。
兩京猶薄產，四海絕隨肩。
幕府初交辟，郎官幸備員。
瓜時猶旅寓，萍泛若蜚鱗。
藥餌虛狼籍，秋風灑靜便。
開襟驅瘴癘，明目掃雲煙。
高是諸侯禮，佳人是客

前哀第傷老大華屋艷神僊南內開元曲常時弟

子傳法歌聲變轉滿坐淚潺湲都督柏中丞延開

歌弔影夔州僻回腸杜曲煎即今龍廐水西京龍

馬門也渭水莫帶天殫耿賈扶王室蕭曹拱御

筵秉威滅蜂蠆勦力效鷹鷂舊物森在凶徒惡

未悛國須行戰伐人憶止戈鋌奴僕何知禮恩榮

錯與權星一彗孛黔首遂拘孥哀痛絲綸切煩

苛法令蠲業成陳始王兆喜出于畋宮禁經綸密

台階翊戴全能羅載呂望鴻雁美周宣側聽中興

主長吟不世賢音徽一柱數道里下牢千鄭在江

陵李在

夷鄭李光時論文章竝我先陰何尚清省此宋歟
聯翩律比崑崙竹音知濕絃風流俱善價慳當
久忘筌置驛常如蓋有焉雖云隔禮數不

敢墜周旅高視收人表虛心味道玄馬來皆汗血
鶴淚必青田羽翼商山起蓬萊漢閣連管寧紗帽
淨江令錦袍鮮東郡時題壁南湖日扣舷遠遊臨
絕境佳句染華牋每欲孤飛去徒為百慮牽生涯
已寥落國步尚迤邐衾枕成蕪沒池塘作棄捐
多病卜築遺懷因遭亂離故寢之地皆蕪沒棄捐也別離憂怛怛伏臘
涕漣漣露菊班豐鎬秋蔬影潤渥共誰論昔事幾

處有新阡富貴空回首喧爭懶著鞭兵戈塵漠漠
江漢月娟娟局促看秋燕蕭疎聽晚蟬雕蟲蒙記
憶烹鯉問沉綿卜羨君平杖屨存子敬氈囊空把
釵釧米盡拆花鈿甘子陰涼葉茅齋八九椽陣圖
沙北岸市暨濠西巔市暨濠人語也市井泊船處謂之市暨江水橫通山谷處
居人謂之濠羈絆心嘗折棲遲病即痊批收岷嶺芋白
種陸池蓮色好梨勝頰穠多栗過拳勑厨唯一味
求飽或三鱣兒去看魚筍人來坐馬羈縛柴門窄
窄通竹溜涓涓墊抵公畦接村依野廟墻缺籬將
棘拒倒石賴藤纏借問頻朝謁何如穩晝眠誰云

行不逮自覺坐能堅霧雨銀章澀馨香粉署妍紫
鷺無近遠黃雀任翩翩因學遠從衆明公各勉旃
聲華夾宸極早晚到星躔懇諫留匡弼諸儒引服
虔不過輸鯁直會是正陶甄宵旰憂虞軫黎元疾
苦駢雲臺終自畫青簡為誰編行路難何有招尋
興已專由來具飛檄暫擬控鳴弦身許雙峰寺門
求七祖禪落帆追宿昔衣褐向真詮安石名高晉
鄭高簡得謝昭王客赴燕李宋親有燕昭之途中
太傅之風非阮籍查上似張騫披拂雲寧在淹留景不延風
期終破浪水怪莫飛涎他日辭神女傷春怯杜鵑

澹交隨聚散澤國遠迴旋本自依迦葉何曾藉偓
佺鑪峰生轉眄橘井尚高寨東走窮歸鶴南征盡
跼驚晚聞多妙教卒踐塞前愆顧惟丹青列頭陀
琬琰鑄衆香深黯黯幾地蕭芊芊勇猛為心極清
羸任體孱金篦空刮眼鏡象未離銓

妻孥問一作妻孥覺朝海

世本作潮海非古樹一作石樹
空把一作虛把陸家一作陸池

別蘇僕赴湖南幕

故人有遊子棄擲傍天隅他日憐才命居然屈壯
圖十年猶塌翼絕倒為驚呼消渴今如在提攜愧
老夫豈知臺閣舊先拂鳳凰難得實翻蒼竹樓枝

把翠梧北辰當宇宙南嶽據江湖國帶煙塵色兵
張虎豹符數論封內事揮發府中趨贈爾秦人策
莫鞭轅下駒

先拂今本作洗
實今本作得食

偶題

文章千古事得失寸心知作者皆殊列名聲豈浪
垂騷人嗟不見漢道盛於斯前輩飛騰入餘波綺
麗為後賢兼舊制歷代各清規法自儒家有心從
弱歲疲永懷江左逸多謝鄴中奇駉驥皆馬麒麟
帶好兒車輪徒已斷堂構肯仍虧謾作潛夫論虛
傳幼婦碑緣情慰漂蕩抱疾屢遷移經懃長策

飛樓假一枝塵沙傍蜂蟄江峽繞蛟螭蕭瑟唐虞
遠睽翽楚漢危聖朝兼盜賊異俗更喧卑鬱鬱星
辰劔蒼蒼雲雨池兩都開幕府萬寓挿軍麾南海
殘銅柱東風避月支音書恨烏鵲號怒怪熊羆稼
穡分詩興柴荆學土宜故山迷白閣秋水憶黃陂
不敢要佳句愁來賦別離舊制一作舊例又作舊
利多謝一作多病構肯

一作構惜黃陂
一作舊作皇陂

哭王彭州掄

執友驚淪沒斯人已寂寥新文生沈謝異骨降松
喬北都初高選東堂早見招蛟龍纏倚劔鸞鳳夾

吹簫歷職漢庭久中年
馬驕兵戈聞兩觀寵辱
事三朝蜀路江千窅彭門地里遙解龜生碧草諫
獵阻青霄頃壯戎麾出叨陪幕府要將軍臨氣候
猛士塞風飈井深泉誰汲烽疎火不燒前籌多自
暇隱几接終朝翠石俄雙表寒松竟後凋贈詩焉
敢墜染翰欲無聊再哭經過罷離魂去住銷之官
方玉折寄墓與萍漂曠望渥洼道霏微河漢橋夫
人先即世令子各清標巫峽長雲雨秦城近斗杓
馮唐毛髮白歸興日蕭蕭

戈聞舊作戈闌
猛士一作壯士

西閣二首

巫山小搖落碧色見松林百鳥各相命孤雲無自
心層軒俯江壁要路亦高深朱紱猶紗帽新詩近
玉琴功名不早立衰疾謝知音哀世非王粲終然
學越吟

非一作無
然一作朝

其二

懶心似江水日夜向滄洲不道舍香賤其如鐫白
休經過凋碧柳蕭索倚朱樓畢娶何時竟消中得
自由豪華看古往服食寄冥搜詩盡人間興兼須
入海求

索一作必
興一作意

夔府書懷四十韻

昔罷河西尉初興薊北師不才名位晚敢恨省郎
遲扈聖崆峒日端居灑澗時萍流汲汲引擣散尚
恩慈遂阻雲臺宿常懷湛露詩翠華森遠矣白首
颯淒其拙被林泉滯生逢酒賦欺文園終寂寞漢
閣自磷緇病隔君臣議慙紆德澤私揚鑣驚主辱
拔劔撥年衰社稷經綸地風雲際會期血流紛在
眼涕泗亂交頤西瀆樓船泛中原鼓角悲賊壕連
白翟戰瓦落丹墀先帝嚴靈寢宗臣切受遺恒山
猶突騎遼海競張旗田父嗟膠漆行人避蒺藜總
戎存大體降將飾卑詞楚貢何年絕堯封舊俗疑

長吁翻北寇一望卷西夷不必陪玄圃超然待具茨
凶兵鑄農器講殿闢書幃廟莫高難測天憂實
在茲形容真潦倒答效莫支持使者分王命羣公
各典司恐非均賦歛不似問瘡痍萬里煩供給孤
城最怨思綠林寧小患雲夢欲難追即事須嘗膽
蒼生可察眉議堂猶集鳳貞觀是元龜處處喧飛
檄家家急競錐蕭車安不定蜀使下何之釣瀨疎
墳籍耕巖進奕基地蒸餘破扇冬暖更織紵豺遺
哀登桀麟傷泣象尼衣冠迷適越藻繪憶遊昨賞
月延秋桂傾陽逐露葵大庭終反撲京觀且僵尸

高枕虛眠畫哀歌欲和誰南宮載勲業凡百慎交
綏休臺一作靈臺重寢一作虛寢山兵一作
兵登梁近本作登楚非適越一作適楚

送軍二判官

先皇弓劍遠小臣餘此生蹉跎病江漢不復謁承
明饒爾白頭日永懷丹鳳城遲遲戀屈宋渺渺臥
荆衡菟斷航舸失天寒沙水清肺肝若稍愈亦上
赤霄行先皇一作先帝

南極

南極青山衆西江白谷分古城疎落木荒戍密寒
雲歲月蛇常見風飈虎或聞近身皆爲道殊俗自

人羣睥睨登哀柝蜚弧照夕曛亂離多醉尉愁殺

李將軍

或聞一作忽聞
蜚弧一作矛弧

丙籤六十杜甫之三十七

唐音統籤卷八 二百

五言排律六

諸葛廟

久遊巴子國屢入武侯祠
竹日斜虛寢溪風滿薄
帷君臣當共濟賢聖亦同時
翊載歸先主并吞更
出師蟲蛇穿畫壁巫覡醉蛛絲
歛憶吟梁父躬耕
也未遲也未遲近本作起未遲

寄劉峽州伯華使君四十韻

峽內多雲雨秋來尚鬱蒸
遠山朝白帝深水謁夷
陵遲暮嗟為客西南喜得朋
哀猿更起坐落雁失

飛騰伏枕思瓊樹臨軒對玉繩青松寒不落碧海
閣逾澄昔歲文為理羣公價盡增家聲同全聞時
論以儒稱太后當朝肅多才接迹昇翠虛捎颺颺
丹極上鯤鵬宴引春壺酒恩分夏簟冰雕章五色
筆紫殿九華燈學竝盧王敏書偕褚薛能老兄真
不墜小子獨無承近有風流作聊從月竈徵放蹄
知赤驥捩翅服蒼鷹卷軸來何晚襟懷庶可憑會
期吟諷數益破旅愁凝雕刻初誰料纖毫欲自矜
神融躡飛動戰勝洗侵凌妙取筌蹄棄高宜百萬
層白頭遺恨在青竹幾人登回首追談笑勞歌跼

寢興年華紛已矣世故莽相仍刺史諸侯貴郎官
列宿應潘生驂閣遠黃霸璽書增乳贇號攀石饑
颺訴落藤藥囊親道士灰劫問僧憑久烏皮綻
簪稀白帽稜林居看蟻穴野食待魚罾筋力交凋
喪飄零免戰兢皆為百里宰正似六安丞姪女縈
新裏丹砂冷舊秤但求椿壽永莫慮杞天崩鍊骨
調情性張兵撓棘矜養生終自惜伐數必全懲政
術甘疎誕詞場愧服膺展懷詩頌魯割愛酒如澠
左傳有吐吐寧書字冥冥欲避矰江湖多白鳥天
地有青蠅本朝一作肥朝壺酒一作壺滿月糞一
作月峽今本作月繼非誰料一作誰解

潘生參閣遠一作潘
安雲閣遠頌一作誦

九日

故里樊川菊登高素漣源他時一笑後今日幾人
存巫峽蟠江路終南對國門繫舟身萬里伏枕淚
雙痕為客裁烏帽從兒具綠樽佳辰對羣盜愁絕
更堪論

贈李八秘

三十韻

往時中補右扈蹕上元初反氣凌行在妖星下直
廬六龍瞻漢闕萬騎略姚墟玄朔迴天步神都憶
帝車一戎纔汗馬百姓免為魚通籍蟠螭印差眉

列鳳興事殊迎代邸喜異賞朱虛冠盜方歸順乾
坤欲晏如不才同補袞奉詔許牽裾驚驚叨雲閣
麒麟滯玉除文園多病後中散舊交疎飄泊哀相
見平生意有餘風煙巫峽遠臺榭楚宮虛觸目非
論故新文尚起予清秋凋碧柳別浦落紅蕖消息
多旗幟經過歎里閭戰連脣齒國軍急羽毛書幕
府籌頻問山家藥正鋤秘書比臥青城山中台星入朝謁使
節有吹噓西蜀災長弭南翁憤始攄對歆抗士卒
乾沒費倉儲勢藉兵須用功無禮忽諸御鞍金驤
褒宮硯玉蟾蜍拜舞銀鉤落恩波錦帕舒此行非

不濟良友昔相於去棹依顏色沿流想疾徐沉綿
疲井臼倚薄似樵漁乞米煩佳客鈔詩聽小胥杜
陵斜晚照滴水帶寒淤莫話清溪髮蕭蕭白映梳
溪闕一作魏闕抗士
卒世本作坑士卒非

東屯月夜

抱疾漂萍老防邊舊穀屯春農親異俗歲月在衡
門青女霜楓重黃牛峽水喧泥留虎鬪跡月挂客
愁村喬木澄稀影輕雲倚細根數驚聞雀噪暫睡
想猿蹲日轉東方白風來北斗昏天寒不成寐無
夢寄歸魂

傷秋

村僻來人少山長去鳥微
高秋收畫扇久客掩柴扉
懶慢頭時櫛艱難帶減圍
將軍猶汗馬天子尚戎衣
白蔣風颼脆殷檉曉夜稀
何年滅豺虎似有故園歸

村僻一作林僻
猶汗一作思汗

天池

天池馬不到嵐壁鳥繞通
百頃青雲杪層波白石中
鬱紆騰秀氣蕭瑟浸寒空
直對巫山峽兼疑夏禹功
魚龍開闢有菱芡古今同
聞道奔雷黑初看浴日紅
飄零神女雨斷續楚王風
欲問支機石如

臨獻寶宮九秋驚雁序萬里狎漁翁更是無人處
誅茅任薄躬

柳司馬至

有客歸三峽相過問兩京函關猶出將渭水更屯
兵設備邯鄲道和親邏些城幽燕惟鳥去商洛少
人行衰謝身何補蕭條病轉嬰霜天到宮闕戀主
寸心明

有客一作有使猶出一作
猶自通些一作通逆

元日示宗武

汝啼吾手戰吾笑汝身長處處逢正月迢迢滯遠
方飄零還柏酒衰病只蓁牀訓諭青衿子名慚白

首郎賦詩猶落筆獻壽更稱觴不見江東弟高歌
淚數行弟豈在江左無消息

又示宗武

覓句新知律攤書解滿牀試吟青玉案莫羨紫羅
囊假日從時飲明年共我長應須飽經術已似愛
文章十五男兒志三千弟子行曾參與游夏達者
得升堂莫羨一作莫帶

遠懷舍弟穎觀等

陽翟空知處荆南近得書積年仍遠別多難不安
居江漢春風起冰霜昨夜除雲天猶錯莫花萼尚

蕭疎對酒都疑夢吟詩正憶渠舊時元日會鄉黨
羨吾廬

太歲日

楚岫行將老巫山坐復春病多猶是客謀拙竟何
人閨闔開黃道衣冠拜紫宸榮光懸日月賜予出
金銀愁寂鴛行斷參差虎穴鄰西江元下蜀北斗
故臨秦散地逾高枕生涯脫要津天邊梅柳樹相
見幾回新

續得觀書迎就當陽居止正月中旬定出三

峽

自汝到荆府書來數喚吾頌椒添諷詠禁火卜歡
娛舟楫因人動形骸用杖扶天旋夔子峽春近岳
陽湖發日排南喜傷神散北吁飛鳴還接翅行序
密銜蘆俗薄江山好時危草木蘇馮唐雖晚達終
覲在皇都

將別巫峽贈南卿兄襄西果園四十畝

苔竹素所好萍蓬無定居遠遊長兒子幾地別林
廬雜藥紅相對他時錦不如具舟將出峽巡園念
攜鋤正月喧鶯未茲辰效鷄初雪籬梅可折風榭
柳微舒託贈卿家有因歌野興疎殘生逗江漢何

處狎樵漁

送大理封主簿五郎親事不合却赴通州主簿前閬州賢子余與主簿平章鄭氏女子垂欲納采鄭氏伯父京書至女子已許他族親事遂停

禁嚮去東牀趨庭赴北堂風波空遠涉琴瑟幾虛張
渥水出騏驎崑山生鳳凰兩家誠款款中道許蒼蒼
頗謂秦晉匹從來王謝郎青春動才調白首缺輝光
玉潤終孤立珠明得闔藏餘寒折花卉恨別滿江鄉

折花一作折花

大曆三年春白帝城放船出瞿塘峽久居夔
府將適江陵漂泊有詩凡四十韻

老向巴人裏今辭楚塞隅入舟翻不樂解纜獨長
吁窄轉深啼狖虛隨亂浴鳧石苔凌几杖空翠撲
肌膚疊壁排霜劒奔泉濺水珠杳冥藤上下濃淡
樹榮枯神女峰娟妙昭君宅有無曲留明怨惜夢
盡失歡娛擺闔盤渦沸歌斜激浪輸風雷纏地脉
冰雪曜天衢鹿角真走險狼頭如跋扈
鹿角狼頭二灘名
惡灘寧變色高臥負微軀書史全傾撓裝囊半壓
濡生涯臨臬兀死地脫斯須不有平川決焉知衆

登乾坤霾漲海雨露洗春蕪
鷗鳥牽絲颺驪龍濯錦紆
落霞沈綠綺殘月壞金樞
泥筍苞初荻沙茸出小蒲
鴈兒走水馬燕子逐樯烏
絕島容煙霧環州納曉晡
前聞辨陶牧轉盼拂宜都
縣郭南幾好津亭北望孤
勞心依憇息朗詠劃昭蘇
意遣樂還笑衰迷賢與愚
飄蕭將素髮汨沒聽洪鑪
丘壑曾忘返文章敢自証
此生遭聖代誰分哭窮途
臥疾淹為客蒙恩早廁儒
廷爭酬造化樸直乞江湖
灑瀕險相迫滄浪深可逾
浮名尋已已嬾計却區區
喜近天皇寺先披古西圖

此寺有晉王右軍書張僧繇畫孔子十哲形像

應經帝子渚同泣舜蒼梧朝士兼戎服君王按湛
盧旋頭初傲優鷄首麗泥塗甲卒身雖貴書生道
固殊出塵皆野鶴歷塊匪轅駒伊呂終難降韓彭
不易呼五雲高太甲六月曠搏扶回首黎元病爭
權將帥誅山林託疲薶未必免崎嶇怨惜一作然
別斯頑一作作
一頑史川決
一作川快

行次古城店迄江作不揆鄙拙奉呈江陵幕
府諸公

老年常道路遲日復山川白屋花開裏孤城麥秀
邊濟江元自闊下水不勞牽風蝶勤依漿春鷗懶

避船王門高德業

時陽城郡王衛伯玉為江陵節度史

幕府盛材賢

行色兼多病蒼茫汎愛前

奉送蘇州李二十五長史丈之任

星圻台衡地曾為人所憐公侯終必復經術竟相

傳食德凡從事克家何妙年一毛生鳳穴三尺獻

龍泉赤壁浮春暮姑蘇落海邊客間頭更白惆悵

此離筵

台衙一作台鼎

五言排律七之上

暮春江陵送馬大卿公恩命追赴闕下

自古求忠孝名家信有之吾賢富才術此道未磷

縑玉府標孤映霜蹄去不疑激揚音韻徹籍甚衆
多推潘陸應同調孫吳亦異時北宸徵事業南紀
赴恩私卿月昇金掌王春度玉墀薰風行應律湛
露即歌詩天意高難問人情老易悲樽前江漢闊
後會且深期

水宿遣興奉呈羣公

魯鈍仍多病逢迎遠復迷耳聲須盡字髮短不勝
篋澤國雖勤雨炎天竟淺泥小江還積浪弱纜且
長堤歸路非關北行舟却向西暮年漂泊恨今夕
亂離啼童稚頻書札盤餐詎糝藜我行何到此物

理直難齊高枕翻星月嚴城疊鼓聲風號聞虎豹
水宿伴鳬鷺異縣驚虛往同人惜解攜蹉跎長送
鷄長轉屢聞鷄嶷嶷瑚璉器陰陰桃李蹊餘波期
救涸費日苦輕齋杖策門閑遠肩輿羽翮低自傷
甘賤後誰憇彊幽棲巨海能無釣浮雲亦有梯
庸思樹立語默可端倪贈粟困應指登橋柱必題
丹心老未折時訪武陵溪

小江近本作小紅非

江陵望幸

雄都元壯麗望幸歛威神地利西通蜀天文北照
秦風煙含越鳥舟楫控吳人未枉周王駕終期漢

武廵甲兵分聖旨居守付宗臣早發雲臺仗恩波
起涸鱗

遣悶

地闊平沙岸舟虛小洞房使塵來驛道城日避烏
楊暑雨留蒸濕江風借夕涼行雲星隱見疊浪月
光芒螢鑒綠帷微蛛絲罥鬢長哀箏猶凭几鳴笛
竟露裳倚著如秦贅過逢類楚狂氣衝看劍匣穎
脫撫錐囊妖孽關東集兵戈隴右瘡時清疑武略
世亂跼文場餘力浮于海端憂問彼蒼百年從萬
事故國耿難忘

烏橋一作烏槍

秋日荆南述懷三十韻

昔承推獎分媿匪挺生材遲暮宮臣忝難危哀職
陪揚鑣隨日馭折檻出雲臺罪戾寬猶活干戈塞
未開星霜玄鳥變身世白駒催伏枕因起忽徧舟
任往來九鑕已嘆火三蟄楚祠雷望帝傳應實昭
王問不回蛟螭深作橫豺虎亂雄猜素業行已矣
浮名安在哉琴鳥曲怨憤庭鶴舞推頽秋水漫湘
竹陰風過嶺梅苦搖求食尾常曝報恩腮結舌防
讒柄探腸有福胎蒼茫步兵哭展轉仲宣哀飢籍
家家米愁徵處處並休為貧士歎任受衆人咍得

喪初難識榮枯劃易該差池分組晃合沓起蒿萊
不必伊周地皆登屈宋才漢庭和異域晉史圻中
台霸業尋常體宗臣忌諱災羣公紛戮力聖慮資
徘徊數見銘鐘鼎真宜法斗魁顧鋒鏑鑄莫使
棟梁摧盤石圭多剪凶門穀少推垂旒資穆穆祝
綢但恢恢赤雀翻然至黃龍不做媒賢非廖傳野
隱類鑿顏坏自古江湖客冥心若死灰皆登一作
王去

秋日荆南送石首薛明府辭滿告別奉寄薛
尚書頌德叙懷斐然之作三十韻

南征為客久西候別君初歲滿歸危謁秋來把鴈
書荆門留美化姜被就離居聞道和親入垂名報
國餘連枝不日竝八座幾時除往者千星宇恭惟
漢網疎風塵相瀕洞天上一丘墟殿瓦鴛鴦圻宮
簾翡翠虛鉤陳摧微道槍栗失儲胥文物陪巡狩
親賢病拮据公時呵黻綸首唱却鯨魚勢愜宗廟
相材非一范唯蓋秦拜范雖為客卿卒聽其謀使
代韓少曲高平拔之大又以其謀縱反間於趙趙以
此諸屍填太行道血走後儀渠溢口師仍會函關
憤已據紫薇臨大角皇極正乘輿賞從頻峨冕殊

恩再直廬

公舊執金吾新授

豈惟高衛霍曾是接

應徐降集翻翔鳳追攀絕衆狙侍臣雙宋主戰策

兩穰苴鑒澈勞懸鏡荒蕪已荷鋤嚮來披述作首石

處見公新

重此憶吹噓白髮甘凋喪青雲亦卷舒

經綸功不朽跋涉體何如公頃奉使和吐蕃已見上應訝耽

湖橘常餐占野蔬十年嬰藥餌萬里狎樵漁楊子

淹投閣鄒生惜曳裾但驚飛熠燿不記改蟾蜍煙

雨封巫峽江淮略孟諸湯池雖陰固遼海尚閩淤

努力輸肝膽休煩獨起予

亦卷一作已卷

哭李尚書之芳

漳濱與蒿里逝水竟同年欲挂留徐劍猶迴憶戴
船相知成白首此別間黃泉風雨嗟何及江湖涕
泣然修文將管輅奉使失張騫史閣行人在詩家
秀句傳客亭鞍馬絕旅櫬細蟲懸復鬼昭丘遠歸
魂素滻偏熱蘇封葬地喉舌罷朝天秋色凋春草

王孫若個還

復鬼一作
樓塊